

folgen werde. Eine geschwinde Pest/mit vielen andern mor-  
 bis'epidemicis grossen vnd gefährlichen Kranckheiten / wird  
 hin vnd wieder so hefftig grassiren, als zuvor kaum geschehen/  
 drauff denn insonderheit die Eclipses starcke anzeigung geben.  
 Es werden die Wasser hin vnd wieder sich sehr ergiessen vnd  
 außlauffen/viel Menschen vnd Viehe verderben / vnd werden  
 viel Wunder Zeichen geschehen am Himmel vnd auff Erden/  
 vnd wird nit aussen bleiben/was durch die Propheeten/ vñ vom  
 Herrn Christo selbstem geweissaget/es werde die Sonne ver-  
 schwarsen/vnd ihren Schein verliehren/vnd der Mond werde  
 im Blut verwandelt werden/ wie denn in diesen vnd folgenden  
 Jahre/als 1623. wird gesehen vnd erfahren werden.

Die Vierdte Revolution vber das 1623. Jahr/wie  
 diese mit vorgehenden vberinkomme.

**I**n Ann die Revolution dieses Jahrs bene-  
 ben den andern introit al Figuren mit fleiß pon-  
 deriret werden/so befinden wir / das die grosse  
 Conjunction H vnd Z darvon so viel geschrie-  
 ben worden/sich zweymal begeben vnd zutragen  
 thut. Erst in Revolutione cancro; In den andern beyden  
 folgenden Figuren aber in  $\Omega$ /vnd ich wil hier nicht viel sagen/  
 das in denselben der Planet Mars auch allzeit ascendens ist.  
 Von diesen dinge wer nun viel zuschreiben/dardurch den auch  
 alle das jenig/wz in vorgehenden angezeigt/hefftig confir-  
 ret vnd bestercket wird. Vnd werden insonderheit in diesem  
 Jahre grosse dinge offenbahrt werden/ mehr denn in vorgehen-  
 den. Es wird sich auch sonder allen zweiffel in diesem Jahre/  
 im Monat Julio oder Augusto ein newer Stern sehen lassen/  
 der vns zuversiehen gebe/das alle das jenige/was durch den ne-  
 wen